

P R I N C I P . T R I D E N T I N I .

In Inferiori, ix, sacellum in quo sacra fiunt, x, Cœnaculum. xi, cum mensa cupressina, opere vermiculato, in quo aliquot imperatorum veterum, & hæ doctorum imagines, Apollodorus, Grammatica; Gorgias, Rhetorica; Chrysippus; Dialectica; Berofus & Atlas, Astrologia: Amphion, Musica. xii, in quo Caroli imperatoris, Ferdinandi regis, Clesii Cardinalis imagines. xiii, fornax ex fictili materia, cum viro & muliere, puero & puella, ex quo emitti aqua calida potest. xiv, in quo aula & alia ornamenta, quibus ad instruenda cætera utuntur. xv, hortus cum fonte, in quo urbium, virorum, animalium, locorum rationes expressæ, quæ ab aquis moveri possunt cum stupore spectantium. Labrum, in quo Apollo æneus Daphnen persequens, & Actæon in cervum mutatus: ab utraque parte leones, qui ita facti, quasi ex labro biberent. A Tuscis primum condita, vel ut Tro-
Conditores. *Principes.* *gus* asserit, à Gallis Cenomanis. Diu sub ditione fuit populi Romani, inde à Gothis vexata, multosque per annos possessa; quibus Italia submotis, in Langbardorum, hisque victis in Cæsarum fuit potestate. Anno denique 1477 à Venceslao

Pontifici Romano donata præfulum suorum hætenus paruit imperio. Concilio celebris est Oecumenico, quod in ea fuit per plurimos annos. Nam convenere hic v Cardinales Legati, Præsidesque Concilii pro Pio III Pontifice; duo itidem Cardinales, Lotharingus, & Madrutius, Patriarchæ tres, Archiepiscopi xxxiii, Episcopi cccxxv, Abbates vii, Ordinum Generales vii, cum Theologis cxlvi, & ultra, nec non Ferdinandi Cæsaris, Regis Galliarum, Hispaniarum, Portugalliarum, Hungariarum, Bohemiarum, Poloniarum, Venetiarum, Septem Cantonum, Helvetiorum, Bavariarum, Sabaudiarum, Florentiarum, & aliorum Principum Ecclesiasticorum Oratores.

Illustrarunt urbem, præter alios, Cardinales duo, Hugo Candidus, & dictus Bernardus Clesius. Laceratus hic avorum memoria anno cccclxxxv à Iudæis *Simon*, Christianus puer, duos natus annos, coriarii cujusdam filius.

Ager vini generosi feracissimus. Confinia loca sunt, *Seconzano, Parchiaso, Veso, Canazzo, Valesè, Fespergo, Guidono, Casa Nova, Moranum.* In Leneri, qui ad castellum Baldi petit Athesin, læva, sursum, jacent *Colonia, Mons bellus, Brendulum & Leonicum.*

*Concilium
Tridentinum.*

